



Broj:150-15-4-1518-*24* /21 SAK
Sarajevo, *20.08* 2021. godine

Na osnovu člana 69. stav (1) tačka b) i stav (3) Zakona o javnim nabavkama ("Službeni glasnik BiH" 39/14) i člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke usluge fiksne telefonije za potrebe Centralnog ureda Centralne banke Bosne i Hercegovine i Centralne banke Bosne i Hercegovine – Glavne jedinice Sarajevo – lot 1, putem otvorenog postupka

Član 1.

Ovom odlukom se poništava postupak javne nabavke usluge fiksne telefonije za potrebe Centralnog ureda Centralne banke Bosne i Hercegovine i Centralne banke Bosne i Hercegovine – Glavne jedinice Sarajevo – lot 1, putem otvorenog postupka (u daljem tekstu: otvoreni postupak), procijenjene vrijednosti u iznosu od 76.150,00 KM (slovima: sedamdesetšestiljadastotinpedeset konvertibilnih maraka i 00/100) na period od dvije godine, iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka.

Član 2.

Zadužuje se Odjeljenje za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke) da u skladu sa Zakonom o javnim nabavkama i podzakonskim propisima, o otkazivanju postupka iz člana 1. ove odluke, obavijesti ponuđača koji je učestvovao u postupku javne nabavke.

Član 3.

Za realizaciju ove odluke zadužuju se Odjeljenje za javne nabavke, Odjeljenje za informacione tehnologije Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

O b r a z l o ž e n j e

Postupak javne nabavke usluge fiksne telefonije za potrebe Centralnog ureda Centralne banke Bosne i Hercegovine i Centralne banke Bosne i Hercegovine – Glavne jedinice Sarajevo – lot 1, putem otvorenog postupka, pokrenut je Odlukom o pokretanju postupka, broj: 150-15-4-1518-2/21 MM od 08.07.2021. godine. U skladu s tim, Centralna banka je 16.07.2021. godine na portalu Javnih nabavki objavila Obavještenje o nabavci broj: 1370-1-2-334-3-201/21. U tenderskoj dokumentaciji je bio određen rok za prijem ponuda 02.08.2021. godine.

U predviđenom roku za dostavljanje ponuda, odnosno do 02.08.2021. godine do 10.00 sati, blagovremeno je dostavljena jedna ponuda za lot 1 i to ponuda ponuđača BH Telecom d.d. Sarajevo.

Komisija za provođenje postupka javne nabavke je nakon javnog otvaranja ponuda izvršila pregled i ocjenu ponude i konstatovala da ista zadovoljava sve uslove tražene tenderskom dokumentacijom za lot 1, te je u svom Zapisniku o pregledu i ocjeni ponuda, broj: 149-15-4-1620-7/21 od 04.08.2021. godine i Izvještaju o radu komisije sa preporukom broj: 149-15-4-1480-8/21 od 04.08.2021. godine dala preporuku da se ugovor dodijeli ponuđaču BH Telecom d.d. Sarajevo. Centralna banka Bosne i Hercegovine je u skladu sa Zapisnikom o pregledu i ocjeni ponuda i Izvještajem o radu Komisije sa preporukom donijela Odluku o izboru najpovoljnijeg ponuđača, broj: 150-15-4-1518-8/21 MM od 06.08.2021. godine, kojom se ugovor za nabavku usluge fiksne telefonije za potrebe Centralnog ureda Centralne banke Bosne i Hercegovine i Centralne banke Bosne i Hercegovine – Glavne jedinice Sarajevo – lot 1 dodjeljuje ponuđaču BH Telecom d.d. Sarajevo.

Izabranom ponuđaču je na potpis dostavljen Okvirni sporazum za nabavku usluga fiksne telefonije za potrebe Centralnog ureda Centralne banke Bosne i Hercegovine i Centralne banke Bosne i Hercegovine – Glavne jedinice Sarajevo (LOT 1), broj: 150-15-4-1518-14/21 od 06.08.2021. godine. Centralna banka Bosne i Hercegovine je dana 19.08.2021. godine zaprimila akt izabranog ponuđača, broj: 8.2.-3.-39.-367909-4/21 I.S. od 17.08.2021. godine, kojim Centralnu banku Bosne i Hercegovine obavještava da nije u mogućnosti potpisati okvirni sporazum.

Imajući u vidu da se radi o razlogu koji je izvan kontrole ugovornog organa i koji se nije mogao predvidjeti u momentu pokretanja postupka, a u skladu sa članom 69. stav (3) Zakona o javnim nabavkama, donosi se odluka kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

**GUVERNER**
dr. Senad Softić

Dostaviti:

- učesniku u postupku
- guverneru
- viceguvernerima
- Uredu glavnog internog revizora
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za informacione tehnologije
- u spis predmeta
- a/a (original)